



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

SESOTHO PUO YA TLATSETSO YA PELE (FAL)

PAMPIRI YA BORARO (P3)

2022

MATSHWAO: 100

NAKO: Dihora tse 2½

Pampiri ena e na le maqephe a 6.

DITAELO LE DIKELETSO HO MOHLAHLOBUWA

1. Pampiri ena e arotswe DIKAROLO TSE THARO, e leng:

KAROLO YA A:	Moqoqo	(50)
KAROLO YA B:	Ditema tsa kgokahano tse telele	(30)
KAROLO YA C:	Ditema tsa kgokahano tse kgutshwane	(20)
2. Araba potso E LE NNGWE KAROLONG E NNGWE le E NNGWE.
3. Araba dipotso TSOHLE ka Sesotho.
4. Qala KAROLO E NNGWE le E NNGWE leqepheng LE LETJHA.
5. Karolong e nngwe le e nngwe o tlameha ho etsa moralo wa ho ngola (ka ho iketsetsa mmapa wa monahano/daekramo/tjhate/lenane la dintlha tseo o tla ngola ka tsona). Boela o lekole botjha mosebetsi wa hao, o be o lokise diphoso. Moralo wa hao o hlahe PELE ho tema e nngwe le e nngwe.
6. Mekgwaritso yohle e totobatswe hantle hore ke mekgwaritso ka ho habahanya/seha mola ho tloha hodimo ho ya tlase, NTLE LE nehelano e tlo tshwauwa.
7. O eletswa ho sebedisa nako ya hao tjena:

KAROLO YA A:	Metsotsa e 80
KAROLO YA B:	Metsotsa e 40
KAROLO YA C:	Metsotsa e 30
8. Nomora dikarabo tsa hao feela jwalo kaha dipotso di nomorilwe pampiring ya dipotso.
9. Ngola sehlooho se loketseng potso eo o e kgethileng.
10. Sehlooho se se ke sa balellwa ha ho balwa palo ya mantswe.
11. Ngola ka mongolo o makgethe o balehang.

KAROLO YA A: MOQOQO**POTSO YA 1**

Kgetha sehlooho SE LE SENG mme o ngole moqoqo wa bolelele ba mantswe a 250 ho isa ho a 300. Ha o kgethile ho ngola ka setshwantsho, o nehe moqoqo wa hao sehlooho. Hopola ho etsa moralo, mme o be o boele o lekole moqoqo wa hao botjha ho hlaola diphoso.

- | | | |
|-----|--|-------------|
| 1.1 | ... yaba le tshwarwa jwalo shodu la masea sepetlele! | [50] |
| 1.2 | Moruo wa Afrika Borwa o mathateng, o ka hlabollwa tjena. | [50] |
| 1.3 | Ha nka iphumana ke le sebapadi sa tshwantshiso eo ke e ratang thelevisheneng. | [50] |
| 1.4 | Bofutsana ke bona bo etsang hore baithuti ba feile dikolong. Na o a dumela? | [50] |
| 1.5 | Botle le bobe ba ho kena sekolo ka matsatsi a itseng feela nakong ena ya Covid-19. | [50] |
| 1.6 | Ditshwantsho tse latelang di qholotsa mehopolo e itseng maikutlong a hao. Kgetha SE LE SENG, mme o ngole moqoqo ka mohopolo wa sehlooho o qholotswang ke setshwantsho. Ngola nomoro ya potso eo o e kgethang, mme o iqapele sehlooho sa hao. | [50] |

1.6.1



[Se qotsitswe ho tswa ho www.black and white images]

[50]

1.6.2



[Se qotsitswe ho tswa ho www.black and white images]

[50]

1.6.3



[Se qotsitswe ho tswa ho www.black and white images]

[50]

MATSHWAO OHLE A KAROLO YA A:

50

KAROLO YA B: DITEMA TSA KGOKAHANO TSE TELELE**POTSO YA 2**

Kgetha mme o ngole tema E LE NNGWE ya bolelele ba mantswe a 120 ho isa ho a 150. Hopola ho etsa moralo mme o be o boele o lekole tema ya hao botjha ho hlaola diphoso.

2.1 LENGOLO LA SETSWALLE

Moithutimmoho le wena o fumane sephetho se reng o na le tshwaetso ya COVID-19. Ka lebaka leo, o tlameha ho dula hae matsatsi a leshome a sa kopane le batho. Mo ngolle lengolo o mo kgothatse.

[30]**2.2 OBITJHUARI/TSA BOPHELO BA MOFU**

Malome wa hao eo o holetseng ha hae o hlokahetse, mme bomotswalao ba o kopile ho ngola tsa bophelo ba hae. Ngola obitjhuarya hae.

[30]**2.3 LENANETABA/AJENDA MMOHO LE METSOTSO YA KOPANO**

O mongodi mokgatlong o nkang maeto ha dikolo di kwetswe. Ngola lenanetaba/ajenda le metsotso ya kopano eo le neng le e tshwere.

[30]**2.4 PUISANO**

Baithuti ba bangata ha ba sa apara seaparo sa sekolo ka tsela e bontshang tlhompho le boitshwaro. Ngola puisano e dipakeng tsa baithuti ba babedi ba buisanang ka taba ena.

[30]**MATSHWAO OHLE A KAROLO YA B:****30**

KAROLO YA C: DITEMA TSA KGOKAHANO TSE KGUTSHWANE**POTSO YA 3**

Kgetha mme o ngole tema E LE NNGWE ya bolelele ba mantswe a 80 ho isa ho a 100. Hopola ho etsa moralo mme o be o boele o lekole tema ya hao botjha ho hlaola diphoso.

3.1 PHOUSETARA

O mongodi wa mokgatlo o bapalang kalaneng dibuka tse balwang dikolong. Etsa/rala phousestara e tsebisang baithuti ba tikolong ya heno ka papadi ya kalaneng eo le tla beng le e bapala motseng wa heno ka e nngwe ya dibuka tsa Kereiti ya 12.

[20]**3.2 DAYARI**

O ne o le moemedi wa batjha ba motse wa heno sebokeng se neng se tshohla ntlatfatsa ya moruo wa makeisheneng. Ngola dayari ya matsatsi a mararo ka diketsahalo tsa seboka seo.

[20]**3.3 DITAELO**

Sewa sa Covid-19 se behile baithuti ba bangata tlasa kgatello ya mosebetsi wa sekolo. Ngolla baithuti ba sekolo sa lona ditaelo tse ba tataisang ho etsa papetla/prokgeramo ya ho ithuta le ho etsa mosebetsi wa sekolo ka tshwanelo.

[20]

MATSHWAO OHLE A KAROLO YA C:
MATSHWAO OHLE A PAMPIRI ENA:

20
100